



Ang Parada ng mga Panakot
Shamim Padamsee
Tanaya Vyas



"Inay, pwede ba akong tumulong gumawa ng panakot ibon?" tanong ni Gauri. Si Inay ay nagtatali ng ilang patpat upang makagawa ng panakot ibon. Naglagay siya ng lumang kamiseta sa ibabaw ng mga patpat, at pagkatapos ay pinalamanan ito ng dayami.



Tumungo si Gauri sa sampayan kung saan nakasampay ang mga bagong labang damit. Kumuha sya ng isang blusa.

"Bibihisan ko siya gamit ang isang pulang blusa," masayang sabi ni Gauri. "Itatali ko rin ng pulang laso ang kaniyang buhok! Magiging maganda siya!"




"Ikaw talagang bata ka," sagot ng kaniyang ina. "Walang panakot na binibihisan ng magara. Kailangang maitaboy ng mga panakot ang mga ibon, kailangan nilang magmukhang katakot-takot! Kagaya nito!" Ginaya ng ina ni gauri ang mga panakot.

"Nakatatawa ka, 'Nay!" tumatawang sabi ni Gauri.



Dinala ni Inay ang mga panakot ibon sa bukid at inayos ang mga ito sa gitna ng matataas na tangkay ng palay. "Hayan ngayon, ito'y magiging mabisang panakot at pantaboy ng mga ibon," sabi ni Gauri, habang tinatapik ito.



Bumalik si Gauri at ang kanyang ina sa kanilang kubo. Pumasok si Gauri sa loob at nahiga sa kanyang higaan. Ang isang malaking dilaw na buwan ay sumisikat, na para bang pinapaliguan ang bukid ng isang malambot, at puting liwanag.



Biglang napansin ni Gauri na nakatingin ang mga panakot sa mga damit nito.

"Bakit kailangan nating magsuot ng mga punit-punit na lumang damit?" sabi ng isang panakot sabay buntong-hininga. "Sana may maganda tayong damit!"

>


```
<span style="color: rgb(0,0,0); font-size: 16px;
">"Oo, ako rin!" sabi ng isa pa. Ang mga
panakot ay tumingin sa paligid ng bukid.</
span>
```

```
<span style="color: rgb(0,0,0); font-size: 16px;"
>
</span>
```

```
<span style="color: rgb(0,0,0); font-size: 16px;"
>"Tingnan niyo!" b</span><span style="color:
rgb(51,51,51); font-family: "Helvetica Neue";
font-size: 13px;">iglang sumigaw ang isa sa
kanila. "</span><span style="color: rgb(0,0,0);
font-size: 16px;">Mga magagandang damit na
sumasayaw-sayaw sa sampayan. Bakit hindi
natin isuot iyon?"</span>
```

```
<span style="color: rgb(0,0,0); font-size: 16px;"
>
</span>
```

```
<span style="color: rgb(0,0,0); font-size: 16px;"
>"Oo nga!" sagot ng isa pa. "Napakaganda ng
mga damit na iyon. Subukan natin!"</span>
```




Sinubukan ng isang panakot ang pulang blusa na may koloretom sa baywang nito. Kumikinang ito sa liwanag ng gabi. Itinali niya ang magandang laso sa kaniyang buhok na dayami. At dahil sa ganda ng kaniyang suot ay ipinagyabang niya ito sa lahat.



Hindi nagtagal ay naming abala ang lahat ng mga panakot sa pagbibihis! Ipinarada nila ang kanilang mga kasuotan. Nagpalakad-lakad! Palibot-libot! Gumiwang-giwang! Pumaikot-ikoy! Inalog-alog ang kanilang ulong dayami, at ngumisi na parang mga palayok. Nagpakasaya sila!



Kasabay nito, daan-daang ibon ang lumipad pababa sa bukid. Ibon dito, ibon doon, ibon sa lahat ng dako. Tumuka tuka! Ngumunguya ang mga ito! "Mmm! Ang sarap nito!" sabi ng isa, habang pinupunasan ang kanyang tuka gamit ang kanyang pakpak.



"Hindi araw-araw makakain tayo sa bukid, nang hindi tinataboy ng mga panakot."
Narinig ito ng mga panakot at tumingin sa paligid. Kinilabutan sila! "Shoo! Umalis kayo!" sila ay sumigaw sa mga ibon, winawagayway ang kanilang mga kamay na dayami, paroo't parito.



Napasigaw si Gauri.



Patakbong lumapit sa kaniya ang ina. "Gauri, Gauri," tawag nito. "Anong nangyari? Gumising ka!"

"Inay, ang mga ibon!" sagot ni Gauri. "Inubos nila ang lahat ng mga butil."

Mahigpit siyang niyakap ng kaniyang ina at pinatahan. "Shhh, tumahan ka na, Anak. Tingnan mo ang palayan. Ligtas sila! Siguradong isa lang iyong masamang panaginip."



Tumingin sa labas si Gauri. Nakita niya ang mga panakot, nakatayo sa mismong kinalalagyan nila. Oh, sandali, kumakaway ba sila sa kanya? Tumingin siya ng malapitan. Nakita niya ang isang pulang laso na pumapagaspas sa buhok ng isang panakot. Napakurap siya at muling tumingin. Kinindatan ba siya ng panakot?

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Ang Parada ng mga Panakot (*The Scarecrows on Parade*). Author: Shamim Padamsee. Illustrator: Tanaya Vyas.

Published by Pratham Books, © Pratham Books. Released under CC-BY-4.0.

This work is a modified version of the original story. @ The Asia Foundation, 2022. Some rights reserved. Released under CC-BY-4.0.



For full terms of use and attribution,
<http://creativecommons.org/licenses/by/4.0/>

Contributing translators: Geniva Panganiban, Joshua Waras, Ella mae Dahilig, and Orland Solis